



# SLUŽBENE NOVINE

## KANTONA SARAJEVO

Godina XXIV – Broj 18

Petak, 3. maja 2019. godine  
S A R A J E V O

ISSN 1512-7052

### KANTON SARAJEVO

Na osnovu čl. 12. i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 17.04.2019. godine, donijela je

#### ZAKON

#### O PRIJAVLJIVANJU I POSTUPKU PROVJERE PODATAKA O IMOVINI NOSIOCA JAVNIH FUNKCIJA U KANTONU SARAJEVO

##### POGLAVLJE I - OPĆE ODREDBE

###### Član 1. (Predmet)

- (1) Ovim zakonom utvrđuje se obaveza izabраних i imenovanih dužnosnika, nosioca izvršnih funkcija i savjetnika (u daljem tekstu: nosioci javnih funkcija) da prijave zatečenu imovinu i prihode, porijeklo i promjene imovine i prihoda kao i poklone koje dobiju u toku obavljanja javne funkcije (u daljem tekstu: podaci o imovini), način prikupljanja, obrada, korištenje, zaštita i čuvanje podataka, kao i dužnosti i obaveze organa nadležnih za provođenje i nadzor nad provođenjem ovog zakona i druga pitanja od značaja za provođenje ovog zakona.
- (2) Obaveza iz stava (1) ovog člana odnosi se i na dostavljanje podataka o imovini bliskih srodnika i povezanih lica nosioca javnih funkcija.

###### Član 2. (Principi djelovanja)

- (1) Nosioci javnih funkcija u vršenju javnih funkcija moraju postupati zakonito, efikasno, nepristrasno, časno, te se pridržavati principa odgovornosti, poštenja, savjesnosti, otvorenosti i vjerodostojnosti.
- (2) Nosioci javnih funkcija ne smiju biti ni u kakvom odnosu zavisnosti prema licima koja bi mogla uticati na njihovu objektivnost.
- (3) U vršenju javne funkcije nosioci javnih funkcija ne smiju svoj privatni interes stavljati iznad javnog interesa.
- (4) Zabrana koruptivnog djelovanja: nosioci javnih funkcija ne smiju u obavljanju svoje dužnosti tražiti ili prihvatiti nedopuštenu korist za obavljanje svojih dužnosti.
- (5) Transparentnost i javna kontrola: obavljanje svih javnih funkcija bit će transparentno i podliježe javnoj kontroli, a posebno pravu građana da budu upoznati sa ponašanjem nosioca javne funkcije.

- (6) Nosioци javnih funkcija ne smiju koristiti javnu funkciju za ličnu dobit i dobit lica koje je s njim povezano.
- (7) Nosioци javnih funkcija ponašaju se savjesno i odgovorno, ne ugrožavaju povjerenje i pouzdanje građana, poštuju zakonske i druge propise kojima se određuju prava, obaveze i odgovornosti u obavljanju javne funkcije.

Član 3.

(Svrha obrade podataka)

Svrha obrade podataka o imovini iz člana 1. ovog zakona je obezbjeđivanje provođenja principa iz člana 2. ovog zakona, te transparentnosti, zaštite integriteta javne funkcije, sprječavanje koruptivnog djelovanja za vrijeme obavljanja javne funkcije, te sprječavanje nezakonitog bogaćenja.

Član 4.

(Pojmovi)

Izrazi korišteni u ovom zakonu imaju sljedeće značenje:

- a) "**izabranim dužnicima**" smatraju se zastupnici u Skupštini Kantona Sarajevo (u daljem tekstu: Skupština) i vijećnici u Gradskom vijeću Grada Sarajevo i opšinskim vijećima opšina na teritoriji Kantona Sarajevo;
- b) "**nosiocima izvršnih funkcija**" smatraju se premijer Kantona Sarajevo i članovi Vlade Kantona Sarajevo, gradonačelnik Grada Sarajevo i opšinski načelnici opšina na teritoriji Kantona Sarajevo, te direktori i zamjenici direktora agencija, fondova, javnih preduzeća, javnih ustanova i institucija čiji je osnivač Kanton Sarajevo, članovi skupština, upravnih i nadzornih odbora direkcija, zavoda, javnih ustanova, javnih preduzeća i drugih institucija u Kantonu Sarajevo koji su izabrani i imenovani, ili je za njihov izbor ili imenovanje data saglasnost od strane zakonodavnog organa Kantona Sarajevo ili Gradskog i opšinskih vijeća ili Vlade Kantona Sarajevo (u daljem tekstu: Vlada);
- c) "**savjetnicima**" se smatraju savjetnici izabranih dužnosnika i nosilaca izvršnih funkcija koji se imenuju po lex specialis propisima;
- d) "**bliskim srodnikom**" se smatraju bračni i vanbračni drug, dijete, majka, otac, usvojlac i usvojenik nosioca javne funkcije;
- e) "**povezano lice**" je bliski srodnik, srodnik u pravoj liniji, srodnik u pobočnoj liniji do trećeg stepena, srodnik po tazbini do drugog stepena, dijete bračnog druga ili bilo koje pravno ili fizičko lice koje je sa nosiocem javne funkcije u ličnoj, političkoj, ekonomskoj ili drugoj vezi koja bi mogla uticati na objektivnost u radu nosioca javne funkcije;
- f) "**institucija**" u smislu stava (1) tačke b) ovog člana je svaki subjekt kojeg je osnovao Kanton Sarajevo, koji vrši javna ovlaštenja i koji ima svojstvo pravnog lica;
- g) "**imovinu**" predstavljaju stvari i prava koja je stekao nosilac javne funkcije, a obuhvata sve stvari i prava, a posebno nekretnine i pokretnine, potraživanja, poslovne udjele, vrijednosne papire, novac, umjetnine, plemenite metale i drago kamenje u njegovom vlasništvu ili vlasništvu njegovog bliskog srodnika;
- h) "**poslovni udjel**" u smislu stava (1) tačke f) ovog člana je ulaganje novca, stvari i prava u vlasničku strukturu preduzeća;
- i) "**poklon**" predstavlja svaku isplatu, djelovanje, uslugu ili predmet od vrijednosti učinjene izravno primatelju, bez naknade ili očekivanja naknade. Pokloni primljeni od bliskog srodnika, kao i pokloni čija vrijednost ne prelazi 200,00 KM nisu obuhvaćeni ovim zakonom;
- j) "**protokolarni poklon**" smatra se poklon predstavnika stranih zemalja i međunarodnih organizacija prilikom službenih posjeta;
- k) "**obavljanjem javne funkcije**" smatraju se poslovi koje obavljaju lica iz tač. a) do c) ovog člana;

- l) "**nosiocima javnih funkcija**" u smislu ovog zakona smatraju se lica iz tač. a) do c) ovog člana.

POGLAVLJE II - NADLEŽNOST, OBAVEZE I NADZOR  
NAD PROVOĐENJEM ZAKONA

Član 5.

(Nadležni organ za provođenje ovog zakona)

- (1) Ured za borbu protiv korupcije i upravljanje kvalitetom Kantona Sarajevo (u daljem tekstu: Ured) nadležan je za provođenje ovog zakona.
- (2) Odobrena budžetska sredstva za funkcionisanje i rad Ureda ne mogu biti manja od 0.05% prihoda Budžeta Kantona Sarajevo na godišnjem nivou.
- (3) Za posebne uslove rada nad provođenjem ovog zakona, rukovodilac i zaposlenici Ureda imaju uvećanje plaće u iznosu od 20% od osnovne plaće.

Član 6.

(Kontrolor ličnih podataka o imovini)

- (1) Ured je nadležan i ovlašten za prikupljanje, provjeru i obradu podataka o imovini nosioca javnih funkcija, uspostavljanje i vođenje Registra podataka o imovini (u daljem tekstu: Registar), kao i pokretanje prekršajnog i iniciranje krivičnog postupka zbog povreda odredaba ovog zakona.
- (2) Radi obrade podataka o imovini, Ured vrši:
- prijem prijava podataka o imovini;
  - unošenje i ažuriranje podataka o imovini u Registru;
  - čuvanje ličnih podataka o imovini na period od pet godina nakon završetka funkcije;
  - uništavanje podataka nakon isteka roka od pet godina od vremena završetka funkcije;
  - provjeru podataka o imovini.
- (3) Ured vodi Registar, kao zbirku podataka o imovini i vodi se ručno ili sredstvima za automatsku obradu podataka, u skladu s propisima o opštoj i tehničkoj zaštiti ličnih podataka.
- (4) Pored Registra iz stava (3) ovog člana, vodi se i dosije za svakog nosioca ličnih podataka o imovini, koji sadrži priloženu dokumentaciju nosioca ličnih podataka, koji se čuvaju i uništavaju ili vraćaju nosiocu ličnih podataka u roku propisanom u tač. c) i d) stava (2) ovog člana.

Član 7.

(Nadzor)

- (1) Skupština prati rad Ureda, razmatra informacije Ureda, te druga pitanja oko provođenja ovog zakona.
- (2) Skupština se ne smije miješati u svakodnevni rad Ureda, niti tražiti informacije o pojedinačnim slučajevima.
- (3) Za potrebe praćenja nadzora nad ovim zakonom, Skupština može zatražiti posebne izvještaje o aktivnostima iz nadležnosti Ureda.
- (4) Ured podnosi informacije Skupštini svakih šest mjeseci gdje informiše Skupštinu o radu, prikupljenim informacijama i uočenim nepravilnostima, a u skladu sa nadležnošću utvrđenom ovim zakonom, te ove informacije Ured objavljuje na svojoj web stranici.
- (5) Informacija Ureda sadrži statistički obrađene lične podatke o imovini, i to:
- ukupnu vrijednost zatečene imovine i imovinskih prava nosioca javnih funkcija, odvojeno prema nivoima vlasti;
  - uvećanu vrijednost imovine koja je nastala u izvještajnom periodu na imovini iz tačke a) stava (6) ovog člana;
  - vrijednost evidentiranih poklona u izvještajnom periodu.
- (6) Pored podataka iz stava (5) ovog člana, informacija sadrži:
- pojedinačne slučajeve nezakonitog povećanja imovine, odbijanja dostavljanja ili dostavljanja netačnih ličnih podataka, u slučaju da iste utvrde nadležni organi u izvještajnom periodu;
  - izrečene prekršajne kazne;
  - podnesene prijave nadležnom tužilaštvu.
- (8) Sjednica Skupštine Kantona Sarajevo je otvorena za javnost, kada se razmatra informacija Ureda iz ovog člana.

### POGLAVLJE III - PRIJAVLJIVANJE IMOVINE

#### Član 8.

(Imovina za prijavu)

- (1) Prijava sadrži detaljne informacije o imovini i prihodima, kao što su:
  - a) pravo vlasništva na nepokretnim stvarima u zemlji i inostranstvu;
  - b) pravo vlasništva na pokretnim stvarima koje podliježu registraciji kod nadležnih organa u zemlji i inostranstvu;
  - c) pravo vlasništva na pokretnim stvarima u vrijednosti većoj od 5.000 KM u zemlji i inostranstvu;
  - d) dionice, akcije i obveznice i udjeli u pravnim licima i drugi vrijednosni papiri u zemlji i inostranstvu;
  - e) depoziti, dividende i kamate u bankama i drugim finansijskim organizacijama, u zemlji i inostranstvu;
  - f) prava po osnovu autorskih, patentnih i sličnih prava intelektualne svojine u zemlji i inostranstvu;
  - g) finansijske obaveze prema fizičkim i pravnim licima u zemlji i inostranstvu u iznosu višem od 5.000 KM, i
  - h) izvor i visina godišnjih novčanih prihoda u zemlji i inostranstvu.
- (2) Kada je imovina bliskih srodnika odvojena, prijavljivanje se obavlja posebno za svakog člana sa registrovanom imovinom na njegovo ime i prilaže se prijavi lica koje ima obavezu za prijavljivanje.
- (3) U prijavi prihoda i finansijskih obaveza, nosilac javne funkcije navodi iznos, vrstu izvora svakog prihoda, iznos i vrstu finansijskih obaveza.

#### Član 9.

(Prijavljivanje imovine prilikom preuzimanja dužnosti)

Nosilac javne funkcije je obavezan da prijavi imovinu iz člana 8. ovog zakona, u roku od 30 dana od dana preuzimanja javne funkcije.

#### Član 10.

(Godišnje prijavljivanje imovine)

Godišnje prijavljivanje imovine iz člana 8. ovog zakona obavezno se vrši tokom vremena obavljanja funkcije u periodu od 1. do 31. januara svake kalendarske godine.

#### Član 11.

(Prijavljivanje imovine poslije završetka dužnosti ili razrješenja)

- (1) Nosilac javne funkcije je obavezan da podnese prijavu imovine iz člana 8. ovog zakona, najkasnije 30 dana nakon završetka javne funkcije, po bilo kojem osnovu.
- (2) Pored obaveze iz stava (1) ovog člana, nosilac javne funkcije dužan je dati izjavu da nisu pokrenute nikakve aktivnosti sticanja imovine iz člana 8. ovog zakona, po završetku javne funkcije po bilo kojem osnovu.

#### Član 12.

(Prijavljivanje na zahtjev Ureda)

Ured u svako vrijeme može da traži od nosioca javnih funkcija da dostave traženu informaciju o imovini iz člana 8. ovog zakona.

#### Član 13.

(Pravo uvida u Registar, ispravku, brisanje i blokiranje podataka)

Nosilac javne funkcije ima pravo uvida u svoje lične podatke o imovini koji se vode u Registru i pravo da zahtijeva da se njegovi lični podaci o imovini, za koje se utvrdi da su netačni ili da su pogrešno navedeni ili obrađeni na drugi način koji je suprotan zakonu i pravilima koji se odnose na obradu podataka, isprave, izbrišu ili blokiraju.

#### Član 14.

(Primanje poklona)

- (1) Nosilac javne funkcije ne može tražiti, niti primiti poklone ili druge pogodnosti za sebe, niti za svoje srodnike, za obavljanje

svojih dužnosti, kao ni poklone koji utiču ili mogu uticati u obavljanje njegovih dužnosti, osim protokolarnih poklona.

- (2) Poklonom u smislu ovog zakona smatra se lična korist u vezi sa vršenjem javne dužnosti, a podrazumijeva: stvari, prava, usluge bez naknade, te neku drugu ličnu korist datu ili obećanu nosiocu javne funkcije.
- (3) Poklon u vrijednosti do 200,00 KM nosioci javne funkcije mogu zadržati i ne trebaju ga prijaviti.
- (4) Poklonom u smislu stava (3) ovog člana smatra se i više poklona poklonjenih od istog lica u periodu od jedne godine.
- (5) Poklone iznad vrijednosti iz stava (3) ovog člana nosioci javne funkcije ne smiju zadržati, već su ih obavezni prijaviti i predati organu vlasti u čije ime vrše povjerenu javnu dužnost.
- (6) Nosilac javne funkcije ne smije primiti novac, ček ili drugi vrijednosni papir bez obzira na iznos.
- (7) U slučaju sumnje o vrijednosti poklona nosilac javne funkcije dužan je zatražiti račun od davaoca poklona.
- (8) Vrijednost poklona je njegova tržišna vrijednost.
- (9) Primanje poklona prema st. od (1) do (8) ovog člana odnosi se i na lica koja prime poklon u korist nosioca javne funkcije.

#### Član 15.

(Protokolarni pokloni)

- (1) Protokolarnim poklonima smatraju se pokloni darovani od predstavnika stranih zemalja i međunarodnih organizacija prilikom službenih posjeta.
- (2) Odmah po prijemu, ili nakon povratka u zemlju, nosilac javne funkcije koji je primio protokolarni poklon mora da obavijesti organ ili instituciju u kojoj vrši javnu funkciju.
- (3) Protokolarni pokloni postaju vlasništvo organa ili institucije u kojoj nosilac javne funkcije obavlja dužnost.
- (4) Protokolarni pokloni i to: državni simboli, medalje i protokolarne oznake mogu se upotrijebiti tokom obavljanja službene dužnosti.

#### Član 16.

(Registracija poklona)

- (1) Svi primljeni pokloni i njihova odgovarajuća vrijednost, kao i imena lica koja su dala i primila poklon, obavezno se unose u Registar iz člana 6. stav (3) ovog zakona.
- (2) Odredbe ovog zakona koje se odnose na proceduru i prijavu imovine kao i rokovi za prijavu imovine, odnose se i na poklone.

### POGLAVLJE IV - REGISTRACIJA I VOĐENJE PRIJAVA IMOVINE

#### Član 17.

(Sadržaj prijave)

- (1) Obrazac prijave obavezno sadrži:
  - a) ime i prezime nosioca javne funkcije koji podnosi prijavu i njegovu funkciju,
  - b) ime i prezime bliskih srodnika koji podnose prijavu,
  - c) matični broj, koji se ne objavljuje javno,
  - d) naziv organa ili institucije u kojoj je lice zaposleno/imenovano, adresu institucije, datum imenovanja na funkciju,
  - e) datum predaje prijave,
  - f) nepokretnu imovinu i njenu vrstu, opštinu odnosno grad i državu ukoliko se nalazi u inostranstvu, površinu, porijeklo, njenu nabavnu vrijednost i u čijem je vlasništvu, da li se radi o suvlasništvu i u kolikom procentu, vrstu i izvor sredstava kojima je kupljena ta imovina,
  - g) pokretnu imovinu i njenu vrstu, godinu proizvodnje ili kupnje, njenu nabavnu vrijednost, i u čijem je vlasništvu, potpune podatke o dionicama u privrednim društvima ili nekoj drugoj instituciji, vrijednosnim papirima, finansijskim obavezama, koje lice podnosi prijavu ima prema fizičkim i pravnim licima,
  - h) podake o učešću u nadzornim odborima, upravnim odborima i slično, bez obzira da li se vrše uz naknadu ili bez naknade,

- i) ukupne godišnje prihode podijeljene s obzirom na izvor prihoda,
  - j) ličnu izjavu kojom se pod punom moralnom, krivičnom i građanskom odgovornošću potvrđuje istinitost podataka u prijavi,
  - k) ličnu izjavu kojom se pod punom moralnom, krivičnom i građanskom odgovornošću potvrđuje da ni jedan dio imovine nije izostavljen iz prijave,
  - l) potpis podnosioca prijave.
- (2) Obrazac prijave iz stava (1) ovog člana sastavni je dio i prilog ovog zakona.
- (3) Svaka obrada ličnih podataka iz Registra vrši se u skladu sa Zakonom o zaštiti ličnih podataka Bosne i Hercegovine ("Službeni glasnik BiH", br. 49/06, 76/11 i 89/11 - Ispravka).

#### POGLAVLJE V - KONTROLA PRIJAVLJENIH PODATAKA

##### Član 18.

(Kontrola prijavljivanja)

- (1) Ured vrši kontrolu prijavljivanja imovine i poklona nosioca javne funkcije.
- (2) Svaka prijava se provjerava u cilju utvrđivanja postojanja ili nepostojanja materijalnih grešaka ili pogrešno popunjenih prijava.
- (3) Ukoliko se utvrde materijalne greške ili greške u popunjavanju ili je prijava nepotpuna Ured obavještava podnosioca prijave koji je u roku od 15 dana od primanja obavještenja, obavezan da prijavu ispravi ili dopuni.
- (4) Ured je nadležan da vrši kontrolu podataka o imovini i izvore i vrstu prihoda kojima je imovina kupljena.
- (5) U slučaju nesrazmjera između prihoda i imovine, kao i u slučaju osnovna sumnje u istinitost podataka i zakonitosti načina na koji je imovina stečena, Ured je dužan o tome obavijestiti nadležno tužilaštvo, odnosno druge nadležne organe uključujući, ali ne ograničavajući se na porezne organe i Finansijsko obavještajnu jedinicu SIPA-e.

##### Član 19.

(Obaveza davanja podataka)

- (1) Ured ima pravo da vrši provjeru podataka koji su u javnoj vlasti.
- (2) Ured ima ovlaštenje pribavljati i obrađivati lične podatke u skladu sa Zakonom o zaštiti ličnih podataka Bosne i Hercegovine, isključivo u svrhu provjere tačnosti, odnosno istinitosti navoda sadržanih u prijavi imovine.
- (3) Ured ima ovlaštenje obratiti se sa zahtjevom za dostavu podataka svim nadležnim institucijama, kao i pravnim i fizičkim licima koji raspolažu podacima relevantnim za provjere utvrđene odredbama ovog zakona.
- (4) Smatra se da su obaveznici prijave imovine saglasni sa ovlaštenjima Ureda navedenim u odredbama st. (1), (2) i (3) ovog člana, što se izričito navodi u obrascu prijave.

##### Član 20.

(Javnost)

- (1) Organi nadležni za provođenje ovog zakona, dužni su sve svoje aktivnosti (izvještaje, informacije i dr.) učiniti dostupnim i javnim, putem svoje službene web stranice.
- (2) Radi obezbjeđivanja transparentnosti, informacije o odbijanju dostavljanja ličnih podataka o imovini i drugi podaci iz evidencija će biti dostupni javnosti.
- (3) Javna dostupnost ličnih podataka o cjelokupnoj imovini nosioca javne funkcije vrši se navođenjem podataka o tome gdje se imovina nalazi, shodno čl. 8. i 17. ovog zakona.
- (4) Podaci iz člana 8. i 17. ovog zakona će biti dostupni i objavljeni na web stranici.

#### POGLAVLJE VI - KAZNENE ODREDBE

##### Član 21.

(Neprijavljivanje imovine ili davanje lažnih podataka o imovini)

- (1) Nosilac javne funkcije koji ne prijavi imovinu ili poklon Uredu ili daje lažne podatke o imovini ili poklonu, u namjeri da prikrije podatke o imovini i poklonu, ima rok od 15 dana da koriguje svoju prijavu ukoliko je došlo do greške slučajno, u suprotnom krši obaveze utvrđene ovim zakonom, a koja kršenja ne predstavljaju obilježja krivičnog djela, kaznit će se:
  - a) novčanom kaznom od 1.000 do 2.500 KM, za kašnjenje u godišnjem prijavljivanju imovine (član 10. stav (1));
  - b) novčanom kaznom od 10.000 do 20.000 KM, za neprijavljivanje imovine prilikom preuzimanja dužnosti (član 9.);
  - c) novčanom kaznom od 10.000 do 20.000 KM, za neprijavljivanje imovine na zahtjev Ureda (član 12.);
  - d) novčanom kaznom od 10.000 do 20.000 KM, za neprijavljivanje imovine poslije udaljanja sa funkcije (član 11.);
- (2) Za ponovljeni prekršaj iz stava (1) tačka a) ovog člana, nosilac javne funkcije kaznit će se novčanom kaznom od 3.000 do 6.000 KM.
- (3) Ured pokreće prekršajni postupak za prekršaje iz ovog člana, u skladu sa Zakonom o prekršajima ("Službene novine Federacije BiH", broj 63/14).
- (4) Ukoliko prekršaj propisanih obaveza iz ovog zakona sadrži obilježja krivičnog djela, Ured podnosi krivičnu prijavu nadležnom tužilaštvu s obzirom na to da obrazac prijave imovine, stupanjem ovog zakona na snagu, ima status službene isprave u skladu sa Krivičnim zakonom Federacije Bosne i Hercegovine ("Službene novine Federacije BiH", br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17).

##### Član 22.

(Zastarijevanje)

- (1) Postupak za primjenu sankcija koji se odnosi na kršenje ovog zakona obavezno se pokreće u roku od 30 dana od dana saznanja o slučajevima kršenja ovog zakona, a najkasnije u roku od pet godina od dana kršenja ovog zakona.
- (2) Djela koja imaju obilježja krivičnih djela propisanih Krivičnim zakonom Federacije Bosne i Hercegovine zastarijevaju u skladu sa odredbama Krivičnog zakona Federacije Bosne i Hercegovine.

##### Član 23.

(Disciplinska odgovornost zaposlenika Ureda)

Rukovodilac i zaposlenici Ureda, u svom djelokrugu rada i obavezama utvrđenim u ovom zakonu, podliježe disciplinskoj odgovornosti shodno posebnim propisima.

#### POGLAVLJE VII - PRELAZNE I ZAVRŠNE ODREDBE

##### Član 24.

(Donošenje podzakonskih propisa)

Vlada će u roku od 30 dana od stupanja na snagu ovog zakona, na prijedlog Ureda, donijeti Uredbu o uspostavljanju i vođenju Registra ličnih podataka o imovini i postupku provjere imovine iz člana 1. ovog zakona, kao zbirke ličnih podataka, kojim će se urediti oblik, sadržaj i način vođenja Registra, kao i druga pitanja od značaja za vođenje Registra.

##### Član 25.

(Saradnja Ureda sa nadležnim organima)

Ured će ostvariti saradnju sa Agencijom za prevenciju korupcije i koordinaciju borbe protiv korupcije, dostavljajući sve potrebne podatke i informacije po zahtjevu Agencije, a u cilju sprječavanja korupcije, izrade i provođenja strategije za borbu protiv korupcije i akcionim planovima.

Član 26.  
(Važenje zakona)

U slučaju da se drugi propisi viših nivoa vlasti, koji se odnose na materiju regulisanu ovim zakonom, promijene ili donesu novi nakon stupanja na snagu ovog zakona, ovaj zakon će se uskladiti sa odredbama tih zakona.

Član 27.  
(Prijava imovine i poklona nosioca javnih funkcija)

Zatečeni nosioci javne funkcije u trenutku stupanja na snagu ovog zakona obavezni su da prijave imovinu i poklone iz člana 8. ovog zakona, u roku od 30 dana od dana stupanja na snagu ovog zakona.

Član 28.  
(Rodna neutralnost izraza)

Riječi i pojmovi koji imaju rodno značenje korišteni u ovom zakonu odnose se jednako na muški i ženski rod, bez obzira jesu li korišteni u muškom ili ženskom rodu.

Član 29.  
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-17658/19  
17. aprila 2019. godine  
Sarajevo

Predsjedavajući  
Skupštine Kantona Sarajevo  
**Elmedin Konaković, s. r.**



### OBRAZAC PRIJAVE IMOVINE

Svrha podnošenja		Datum podnošenja	
<b>PODACI O NOSIOCU JAVNE FUNKCIJE</b>			
Ime			
Prezime			
JMBG			
<b>PODACI O BLISKOM SRODNIKU KOJI PODNOSI PRIJAVU</b>			
Ime			
Prezime			
<b>PODACI O INSTITUCIJI/ORGANU</b>			
Naziv organa			
Adresa			
Datum imenovanja			
<b>PODACI O NEPOKRETNJOJ IMOVINI</b>			
Vrsta			
Površina			
Opština, grad i država gdje se nalazi			
Porijeklo			
Pretpostavljena vrijednost (KM)			
Vlasništvo			
Suvlasništvo (%)			
Vrsta sredstava			
Izvor sredstava			
<b>PODACI O POKRETNJOJ IMOVINI</b>			
Vrsta			
Godina proizvodnje			
Godina kupnje			
Pretpostavljena vrijednost (KM)			
Vlasništvo			

**DIONICE I VRIJEDNOSNI PAPIRI U PRIVREDNIM SUBJEKTIMA**

Poslovni udjel	Postoji	Ne postoji
Vrsta udjela		Naziv privrednog subjekta

**PODACI O FINANSIJSKIM OBAVEZAMA**

Finansijska obaveza	Postoji	Ne postoji
Vrsta obaveze		Naziv povjerioca

**ČLANSTVO U UPRAVNIM I NADZORNIM ODBORIMA**

Institucija/organ			
Naziv funkcije			
Naknada	Da	Iznos (KM)	Ne

**GODIŠNJI PRIHODI**

Ukupan prihod	
Izvor prihoda	

Pod punom moralnom, krivičnom i građanskom odgovornošću potvrđujem istinitost podataka u prijavi, potvrđujem da ni jedan dio imovine nije izostavljen iz prijave, te sam saglasan sa zahtjevom Ureda za dostavu podataka svim nadležnim institucijama kao i pravnim i fizičkim licima koji raspolažu podacima relevantnim za provjere utvrđene odredbama ovog zakona.

**Potpis podnosioca**

\_\_\_\_\_



# SLUŽBENE NOVINE

## KANTONA SARAJEVO

Godina XXVII - Broj 12

Četvrtak, 24. 3. 2022. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo

Na osnovu čl. 12. i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na 49. Radnoj sjednici održanoj dana 15.03.2022. godine, donijela je

#### ZAKON

#### O IZMJENAMA I DOPUNAMA ZAKONA O PRIJAVLJIVANJU I POSTUPKU PROVJERE PODATAKA O IMOVINI NOSIOCA JAVNIH FUNKCIJA U KANTONU SARAJEVO

##### Član 1.

(Izmjena člana 1.)

U Zakonu o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19), u članu 1. stav (2) mijenja se i glasi:

"(2) Obaveza iz stava (1) ovog člana odnosi se i na dostavljanje podataka o imovini bliskih srodnika nosioca javnih funkcija i lica koja žive u zajedničkom domaćinstvu sa nosiocima javnih funkcija."

##### Član 2.

(Izmjena člana 4.)

Član 4. mijenja se i glasi:

"Član 4.

(Pojmovi)

Izrazi korišteni u ovom zakonu imaju sljedeće značenje:

- "izabranim dužnosnicima" smatraju se zastupnici u Skupštini Kantona Sarajevo (u daljem tekstu: Skupština), vijećnici u Gradskom vijeću Grada Sarajevo i općinskim vijećima općina na teritoriji Kantona Sarajevo;
- "nosiocima izvršnih funkcija" smatraju se premijer Kantona Sarajevo i članovi Vlade Kantona Sarajevo (u daljem tekstu: Vlada), gradonačelnik Grada Sarajevo i općinski načelnici općina na teritoriji Kantona Sarajevo, rektor Univerziteta u Sarajevu, direktori, izvršni direktori, pomoćnici direktora agencija, fondova, javnih preduzeća, javnih ustanova i institucija koji se imenuju ili postavljaju na mandatni period, zamjenici direktora agencija, fondova, javnih preduzeća, javnih ustanova i institucija, predsjednici i članovi skupština javnih preduzeća, punomoćnici Vlade za vršenje ovlaštenja

skupštine u javnim preduzećima, predsjednici i članovi nadzornih odbora javnih preduzeća, predsjednici i članovi upravnih i nadzornih odbora agencija, fondova, javnih ustanova i drugih institucija čiji je osnivač Kanton Sarajevo, Grad Sarajevo ili općina na teritoriji Kantona Sarajevo ili u kojima Kanton Sarajevo, Grad Sarajevo ili općina na teritoriji Kantona Sarajevo učestvuje sa više od 50% ukupnog kapitala, kao i druga lica, koja su izabrana i imenovana, ili je za njihov izbor ili imenovanje data saglasnost od strane Skupštine, Gradskog vijeća, općinskog vijeća, Vlade, Gradonačelnika ili načelnika. Nosiocima izvršnih funkcija smatraju se i vršioci dužnosti prethodno pobrojanih izvršnih funkcija;

- "savjetnicima" se smatraju savjetnici izabranih dužnosnika i nosioca izvršnih funkcija koji se imenuju po *lex specialis* propisima;
- "bliskim srodnikom" se smatraju bračni i vanbračni drug, dijete, majka, otac, usvojlac i usvojenik nosioca javne funkcije;
- "institucija" u smislu stava (1) tačke b) ovog člana je svaki subjekt kojeg je osnovao Kanton Sarajevo, Grad Sarajevo ili općina na teritoriji Kantona Sarajevo ili u kojima Kanton Sarajevo, Grad Sarajevo ili općina na teritoriji Kantona Sarajevo učestvuje sa više od 50% ukupnog kapitala, koji vrši javna ovlaštenja i koji ima svojstvo pravnog lica;
- "imovinu" predstavljaju stvari i prava koja je stekao nosilac javne funkcije, a obuhvata sve stvari i prava, a posebno nekretnine i pokretnine, potraživanja, poslovne udjele, vrijednosne papire, novac, umjetnine, plemenite metale i drago kamenje u njegovom vlasništvu ili vlasništvu njegovog bliskog srodnika;
- "poslovni udjel" u smislu stava (1) tačke f) ovog člana je ulaganje novca, stvari i prava u vlasničku strukturu preduzeća;
- "poklon" predstavlja svaku isplatu, djelovanje, uslugu ili predmet od vrijednosti učinjene izravno primatelju, bez naknade ili očekivanja naknade. Pokloni primljeni od bliskog srodnika, kao i pokloni čija vrijednost ne prelazi 200,00 KM nisu obuhvaćeni ovim zakonom;

- i) "protokolarnim poklonom" smatra se poklon koji nosilac javne funkcije primi od predstavnika druge države, domaće ili međunarodne vladine ili nevladine organizacije, institucije ili privrednog društva koji se daje prilikom službenih posjeta;
- j) "obavljanjem javne funkcije" smatraju se poslovi koje obavljaju lica iz tač. a) do c) ovog člana;
- k) "nosiocima javnih funkcija" u smislu ovog zakona smatraju se lica iz tač. a) do c) ovog člana;
- l) "zajedničko domaćinstvo" je ekonomska zajednica jedne ili više porodica u kojoj se zajednički stiču i troše novčana i druga materijalna sredstva, stečena radom i korištenjem zajedničkih materijalnih dobara (zemljište, zgrade i drugo), a koje su prijavljene na istoj adresi prebivališta."

Član 3.

(Izmjena člana 8.)

U članu 8. stav (1) tačka e) riječ: "kamate" zamjenjuje se riječju: "štednja".

Član 4.

(Izmjena člana 10.)

U članu 10. riječi: "31. januara" zamjenjuju se riječima: "28. februara".

Član 5.

(Dopuna člana 16.)

U članu 16. stav (1) iza riječi: "lica" dodaju se riječi: ", odnosno nazivi institucija".

Član 6.

(Izmjena člana 17.)

U članu 17. st. (2) i (3) se brišu.

Član 7.

(Novi čl. 18a. i 18b.)

Iza člana 18., dodaju se novi čl. 18a. i 18b. koji glase:

"Član 18a.

(Obrazac prijave imovine)

Obrazac prijave imovine iz čl. 8. i 17. stav (1) ovog zakona, sastavni je dio i prilog ovog zakona.

Član 18b.

(Elektronski obrazac)

- (1) Nosioci javne funkcije, osim na Obrascu prijave imovine iz člana 18a. ovog zakona, prijavu podataka o imovini mogu podnositi i na elektronskom obrascu koji je dostupan na internetskoj stranici Ureda ([www.anticorruptiks.com](http://www.anticorruptiks.com)).
- (2) Nosilac javne funkcije koji prijavljuje imovinu na elektronskom obrascu, na svoj e-mail dobija pristupnu šifru za pristup elektronskom obrascu, za unos podataka sa obaveznim rubrikama, u koji unosi potrebne podatke o svojoj imovini i imovini bliskih srodnika.
- (3) Nakon unosa podataka u elektronski obrazac i njihovog spremanja, nosilac javne funkcije štampa, potpisuje i dostavlja obrazac Uredu.
- (4) Svaki elektronski obrazac sadrži jedinstveni bar-kod.
- (5) Ured će u roku od 15 dana od dana stupanja na snagu ovog zakona izraditi posebno uputstvo kojim će se detaljno propisati način popunjavanja obrasca prijave imovine iz člana 18a. ovog zakona i elektronskog obrasca iz stava (1) ovog člana. Uputstvo će se objaviti na internetskoj stranici Ureda i u "Službenim novinama Kantona Sarajevo".

Član 8.

(Izmjena člana 19.)

U članu 19. stav (4) se briše.

Član 9.

(Novi član 20a.)

Iza člana 20., u Poglavlju VI - Kaznene odredbe, dodaje se novi član 20a. koji glasi:

"Član 20a.

(Davanje lažnih podataka o imovini i prihodima)

Nosilac javne funkcije koji suprotno odredbama ovog zakona navede lažne podatke o imovini i prihodima, u namjeri da prikrije podatke o imovini i prihodima, kaznit će se zatvorom od šest mjeseci do tri godine."

Član 10.

(Izmjena člana 21.)

Član 21. mijenja se i glasi:

"Član 21.

(Prekršaji i prekršajne kazne)

- (1) Novčanom kaznom u iznosu od 1.000,00 KM do 3.000,00 KM kaznit će se za prekršaj nosilac javne funkcije koji:
  - a) ne izvrši prijavljivanje imovine prilikom preuzimanja dužnosti (član 9. ovog zakona);
  - b) ne izvrši godišnje prijavljivanje imovine (član 10. ovog zakona);
  - c) ne izvrši prijavljivanje imovine poslije završetka dužnosti ili razrješenja (član 11. ovog zakona);
  - d) ne izvrši prijavljivanje imovine na zahtjev Ureda (član 12. ovog zakona).
- (2) Za ponovljeni prekršaj iz stava (1) tačka b) ovog člana, nosilac javne funkcije kaznit će se novčanom kaznom od 3.000,00 do 6.000,00 KM.
- (3) Ured pokreće prekršajni postupak za prekršaje iz ovog člana, u skladu sa Zakonom o prekršajima ("Službene novine Federacije BiH", broj 63/14)."

Član 11.

(Izmjena člana 22.)

U članu 22. stav (2) se briše.

Član 12.

(Izmjena člana 25.)

Član 25. mijenja se i glasi:

"Član 25.

(Saradnja Ureda sa nadležnim organima)

Ured će ostvariti saradnju sa Agencijom za prevenciju korupcije i koordinaciju borbe protiv korupcije, tužilaštvima, policijskim agencijama i poreznim upravama, dostavljajući sve potrebne podatke i informacije po zahtjevu ovih organa, a u cilju sprječavanja korupcije, izrade i provođenja strategije za borbu protiv korupcije i akcionim planovima."

Član 13.

(Brisanje člana 26.)

Član 26. se briše.

Član 14.

(Usklađivanje podzakonskog propisa)

U roku od 30 dana od dana stupanja na snagu ovog zakona, Vlada je dužna, na prijedlog Ureda, uskladiti Uredbu o uspostavljanju i vođenju registra ličnih podataka o imovini i postupku provjere imovine nosioca javnih funkcija u Kantonu Sarajevo ("Službene novine Kantona Sarajevo" broj 25/19) sa odredbama ovog zakona.

Član 15.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-10754/22  
15. marta 2022. godine  
Sarajevo

Predsjedavajući  
Skupštine Kantona Sarajevo  
Elvedin Okerić, s. r.



SVRHA PODNOŠENJA		DATUM PODNOŠENJA	
------------------	--	---------------------	--

**1. PODACI O NOSIOCU JAVNE FUNKCIJE**

IME	
PREZIME	
JMBG	

**2. PODACI O BLISKOM SRODNIKU**

IME	
PREZIME	
<b>SRODSTVO SA NOSIOCEM JAVNE FUNKCIJE</b>	
BRAČNI DRUG	
VANBRAČNI DRUG	
DIJETE	
MAJKA	
OTAC	
USVOJILAC	
USVOJENIK	

**3. PODACI O LICU KOJE ŽIVI U ZAJEDNIČKOM DOMAĆINSTVU SA NOSIOCEM JAVNE FUNKCIJE**

IME I PREZIME	SRODSTVO SA NOSIOCEM JAVNE FUNKCIJE
1.	
2.	
3.	
4.	
5.	

**4. PODACI O FUNKCIJI I INSTITUCIJI IMENOVANJA/IZBORA**

NAZIV JAVNE FUNKCIJE	
NAZIV ORGANA/INSTITUCIJE IMENOVANJA/IZBORA	
ADRESA ORGANA/INSTITUCIJE IMENOVANJA/IZBORA	
DATUM IMENOVANJA	
DATUM RAZRJEŠENJA	
DATUM PREDAJE PRIJAVE	

**5. PODACI O NEPOKRETNOSTI IMOVINE**

VRSTA NEKRETNINE	
POVRŠINA	
OPŠTINA/GRAD GDJE SE NALAZI	
DRŽAVA GDJE SE NALAZI	
NAČIN	

STICANJA/PORIJEKLO	
VRSTA VLASNIŠTVA	
SUVLASNIŠTVO (%)	
PRETPOSTAVLJENA VRIJEDNOST	
NABAVNA VRIJEDNOST	
VRSTA SREDSTAVA KOJIMA JE IMOVINA KUPLJENA	
IZVOR SREDSTAVA KOJIMA JE IMOVINA KUPLJENA	

**6. PODACI O POKRETNOJ IMOVINI**

VRSTA	
GODINA PROIZVODNJE	
GODINA KUPNJE	
NABAVNA VRIJEDNOST	
PRETPOSTAVLJENA VRIJEDNOST	
OBLIK VLASNIŠTVA	

**7. PODACI O PRIHODIMA OD FINANSIJSKOG KAPITALA, AUTORSKIH PRAVA I OBAVEZAMA**

VRIJEDNOSNI PAPIRI I DR.	PRAVNO LICE	DRŽAVA	IZNOS
DIONICE			
ŠTEDNJA			
VLASNIČKI UDIO U PRAVNOM LICU			
DEPOZIT			
DIVIDENDA			
OBAVEZNICE			
AUTORSKO PRAVO			
PATENT			
DRUGI OBLICI INTELEKTUALNE SVOJINE			

**8. FINANSIJSKE OBAVEZE PREMA DRUGIM LICIMA**

VRSTA OBAVEZE	
NAZIV POVJERIOCA	
IZNOS OBAVEZE	
SJEDIŠTE POVJERIOCA (DRŽAVA)	

**9. DRUGA IMENOVANJA**

NAZIV PRAVNOG LICA	
--------------------	--

NAZIV FUNKCIJE	
PREDVIĐENA NAKNADA ZA OBAVLJANJE FUNKCIJE (DA/NE)	
IZNOS NAKNADE	

**10. PODACI O POKLONIMA**

DATUM PRIJEMA POKLONA			
VRSTA POKLONA			
TRŽIŠNA VRIJEDNOST POKLONA			
DAVALAC POKLONA			
ORGAN/INSTITUCIJA KOJEM JE POKLON PREDAT			
DATUM PREDAJE POKLONA			
PROTOKOLARNI POKLON	DA		VRSTA PROTOKOLARNOG POKLONA
	NE		

**11. UKUPNI GODIŠNJI PRIHODI**

IZVOR PRIHODA	
UKUPAN PRIHOD	

**12. IZJAVE**

Pod punom, moralnom, materijalnom i krivičnom odgovornošću izjavljujem da:

- sam u Obrascu prijave naveo istinite podatke i
- nijedan dio imovine nije izostavljen.

Saglasan sam sa zahtjevom Ureda za dostavu podataka svim nadležnim institucijama, kao i pravnim i fizičkim licima koji raspolažu podacima relevantnim za provjere utvrđene ovim zakonom.

Svojeručni potpis: \_\_\_\_\_

Datum: \_\_\_\_/\_\_\_\_/\_\_\_\_/

Ovim potpisom potvrđujem da su svi moji navodi u Obrascu prijave tačni uključujući i ovu izjavu.